

DISSERTATIO
MEDICA INAUGURALIS,
DE
USU VENARUM.

2 v a m
ANNUENTE DEO TER. OPT. MAX.

Ex Auctoritate MAGNIFICI RECTORIS

D. JOANNIS ESGERS,
S.S. THEOLOGICÆ DOCTORIS, EJUSDEMQUE FACULTATIS,
UT ET ANTIQUITATUM HEBRAICARUM IN ACADEMIA
LUGDUNO-BATAVA PROFESSORIS ORDINARIJ.

NEC NON

Amplissimi SENATUS ACADEMICI Consensu, & Nobilissima
FACULTATIS MEDICÆ Decreto,

PRO GRADU DOCTORATUS,

Summisque in MEDICINA Honoribus, & Privilegiis rite ac legitime
consequendis,

Eruditorum Examine submittit

FRANCISCUS KLANKE,
Mosqua-Russus.

Ad diem 11. Augusti 1752. hora locoque solitis.



USU VENARUM

D. JOANNIS F. S. G. E. R. S.

PRO GRADU DOCTORIS

FRANCISCUS KLAUMER

I L L U S T R I
A C
E X C E L L E N T I S S I M O
D O M I N O
D. HERMANNO KAAU
BOERHAAVE,
MEDICINÆ DOCTORI,
S E R E N I S S I M Æ
A C
P O T E N T I S S I M Æ
R U S S O R U M
I M P E R A T R I C I
A C O N S I L I I S I N T I M I S,
I P S I U S Q U E M A J E S T A T I S P E R S O N Æ
M E D I C O P R I M A R I O,
R E R U M M E D I C A R U M
P E R U N I V E R S A M R U S S I A M
D I R E C T O R I G E N E R A L I.


*Hasce studiorum Primitias,
ea qua par est, reverentia*

D. D. D.

A U C T O R.


ALL RIGHTS RESERVED
EXCELSIOR
D. HERMANNO KAAU
BOERHAAVE
MEDICINE DOCTOR
SERENISSIMA
AC
POTENTISSIMA
RUSSORUM
IMPERATRICI
CONSILII INTIMIS
ISSUQUE MAJESTATIS PERSONAE
MEDICO PRIMARIO
ARMORUM MEDICORUM
PER UNIVERSAM RUSSIAM
DIRECTORI GENERALI
HABITANTIA P. 1234
EX OFFICIO
D. D. P.
A. B. C. D. E.

P R O O E M I U M.



enarum usus, uti Arteriarum, triplex est. 1°. Vitalis, reducendo sanguinem, ex arteriis receptum ad Cor. 2°. Naturalis, inducendo mutationem futuris secretionibus necessariam. 3°. Animalis, quatenus moderata impletio ad sensum & motum facit. Usum Vitalem primus detexit, demonstravit, evicit magnus Harveus, & deinceps alii præstantissimi physiologi ope microscopiorum & artificialis impletionis per vasa minutissima universi corporis distinctius indagarunt, exposuerunt; ita ut de eo vix quid dicendum restet quoad conceptum generalem in homine perfectæ ætatis: verum quoad incrementum, statum, decrementum & mutationes inde in functiones reliquas redundantes omni posteritati copia differendi erit, eo quod Idiosyncrasia, sive naturalis constitutio corporis, & causæ secundæ, sive res non-naturales recte, aut sinistre applicatæ firmiorem, diuturniorem, debiliorem, brevioriæve vitæ decursum efficiant. Quum effectuum rationes sufficientes ex causis proximis, immediatis deducendæ sint, illæque in venarum fabrica & distributione delitescant, de iis quædam scopo meo necessaria præ-

mittere visum est, & quidem ex homine perfectæ
 ætatis, in quo omnes partes evolutæ magis con-
 spiciuæ, distinctius observandæ, quibus rite intel-
 lectis per seriem annorum facilis ad originem re-
 cursus & senium progressus. Summi profecto mo-
 menti Thema elegi, utinam non impar viribus!
 summi, inquam, in Medicina momenti, ad vitam
 servandam, firmandam, ad plurimas morborum
 causas, magnitudinem, periculum, statum, even-
 tum, crises tam perfectas, quam metastaticas rite
 intelligendas. Plurimum arteriis tribuitur, venis
 minus, & forte minus quam oportet; causæ siqui-
 dem assimilationis humoris peregrini in nostras
 partes, quatenus à vi solidorum dependet, fere
 omnes arteriarum viribus adscribuntur, altum de
 venis silentium; sic & febrium causas in arteriis
 capillaribus hæere asseritur: ostendere conabor,
 vires assimilantes æque venis ac arteriis inesse,
 lentorem febrilem, aliasve morborum causas æque
 venis ac arteriis inherere. Ubi a scopo hoc aberr-
 vero, difficultas, amplitudo, tyrocinium apud æquos
 rerum æstimatores veniam ut consequantur, confi-
 dens operi me accingo, 1°. Definitionem, dif-
 ferentias; 2°. Varios usus; 3°. Sequelas si-
 stendo.



DISSERTATIO MEDICA INAUGURALIS

D E

USU VENARUM.

§. I.



ena est tubus conoideus, ramosus, ex membranis confectus, sanguini versus cor reducendo destinatus, iisdem constans membranis, quibus arteria. Tribus siquidem conficitur, media musculari, quæ efficit corpus sive basin; interna est de natura cuticulæ; externa nervea, vasis a vicinis receptis ditissima, albicans; hinc nervea di-

cta: infinita filamenta sive potius raram filamentorum congeriem emittit, quibus circumpositis adnectitur. Quoad decursum, semper arteriam comitatur, exceptis quibusdam truncis, ut Azygos, truncis duræ matris &c. Rami semper focii reperiuntur, quousque visus acies penetrare potest; ultimi enim rami sunt aut ex arteriis continuati, aut terminantur cum arteriis exhalantibus.

§. II.

§. I I.

Differunt autem Venæ ab arteriis pluribus notis characteristicis.

1°. *Origine tenuis*: arteriæ procedunt ex ventriculis cordis, venæ ex sinibus.

2°. *Quo ad substantiam*: arteriæ sunt firmiores, magis elasticæ; venæ debiliores, minus elasticæ, capaciores, extensiliores.

3°. *Quo ad numerum*: duo tantum sunt systemata arteriarum, videlicet Pulmonalis, & Aortæ; Venarum tria: Cavæ, Pulmonalis & Portæ.

4°. Rami itidem venarum saltem crassiores, longe plures reperiuntur, quam arteriarum.

5°. *Quo ad septa interiora*: arteriæ tantum valvulas tres semilunares in principio, sive prope cor habent; Venis alius figuræ in decursu valvulæ datæ sunt, exceptis viscerum, quæ iis non indigent.

6°. *Quo ad usum*: arteriæ sanguinem a corde acceptum versus fines propellunt, compingunt, in partes separant, secernunt; venæ versus principium reducunt, colligunt, imbibunt, rarefcere sinunt.

7°. *Quo ad motum contentorum*: in arteriis hic multo velocior, in venis tardior, in arteriis retardatur eo magis, quo longius a principio recedit, contra in venis eo magis acceleratur, quo propius versus principium commune accedit. Objectiones, quæ in anastomosibus aut circumvolutionibus in glandulis moveri possent, non moror, quum in abditis hisce demonstratione major fides.

8°. Coalitus præternaturalis in arteriis minoribus est effectus elateris, quo sese ad axin contrahunt, in venis causa maximam partem privativa est, scilicet, defectus fluidorum subtilissimorum, quum arteriæ jam coalitæ amplius non transmittant. Causæ coalitus in utrisque adjuvantes sunt pressiones externæ.

9°. Vis sanguinem propellens in arteriis est earum vis elastica, vis cordis; in venis vis a tergo, & pressio externa communis.

10°. Sedes Plethoræ vix in arteriis, præcipue in Venis.

11°. Attritus in arteriis major, minor in venis. Inde ratio caloris tum naturalis tum febrilis præcipue in systemate arterioso residet.

12°. Irritabilitas arteriis exquisitior concessa; vix ea venæ gaudent: hinc spasmi, excretiones sufflaminantes, arteriis familiares; venæ forte semper eo carent.

13°. Actio arteriarum plurium dierum intervalla post mortem perseverat, in venis mera inertia, præter receptoriam sanguinis ex arteriis: inde sanguine turgent, arteriæ fere vacuæ.

Hæ sunt præcipuæ, quæ Venas inter & arterias intercedunt differentiæ, quarum recensioem scopus propositus exigit.

§. III.

De Venarum divisione & distributione per partes.

Divisionem crassiorem ab ortu in truncos majores, minores, usque ad partes, quibus immerguntur, satis distincte sistunt Anatomici, præprimis incomparabilis *Eustachius Tabb. xxv, xxii, xiii.* describit *Heisterus Compend. Anat. §. 294. & seqq.* subtiliorem dat perelegantibus delineationibus *Cel. Haller in Fasciculo de Angiologia*, aliique, ad quos Lectorem remitto; subtilissimam ex ore Præceptoris *Albini* grata & recenti semper memoria colendi in prælectionibus privatis hausi; ipsemet, via & modis indicatis, data occasione in cadaveribus humanis, brutisque vivis debitis mediis inquisivi, ideas in collegiis haustas Icones-ve Auctorum mox recensitorum cum Archetypo comparavi, iis conformes lætabundus reperi, utinam æque penetrare & proseguere datum fuisset. De hac divisione compendio sequentia sunt.

§. IV.

Tot sunt diversæ Venarum distributiones, quot diversa viscera, alia in Ventriculo, alia in Hepate, alia in Rene: Cerebri involucra, tam pia, quam dura mater, Periosteum ex-

B

ter-

ternum, glandulæ, aliæque partes propriam sibi habent; singulas nec verbis enunciare, nec delineationibus sistere, uti eas objective cauto indagatori natura exhibet vel peritissimus poterit: omnes repræsentationes, præter nativam, plus minus confusæ, aut saltem omnium proprietatum complexum non ita acquirimus, ac *Analysi Anatomica*. Unicum distributionis exemplum in viscere quodam adducendo contentus ero. Sit Ventriculus, ad quem rami Venæ Portæ pervenientes dividuntur in majores ramos, minores, circum circa ipsumque Ventriculum quasi coronant: confer *Ruysschii Thesaur. Anatom. Tab. v. fig. 1.* & *Cowperi Tab. xxxiv. fig. 5.* unde coronariæ dictæ, ex quibus ramis emergunt minores, quorum inferiores partim omento, partim lieni, quæ vasa brevia audiunt, partim Ventriculi, ejus membranis immersi distribuuntur, ad omne punctum sensibile innumerabili anastomosum serie, modo ineffabili, communicant, donec tandem continentur ex parte in arterias sui ordinis, partim hient extremis suis, in cava folliculorum, in membrana nervea positorum: myriades patulæ terminentur in cavum ventriculi, ubi fluida subtiliora resorbent, sanguini reliqua miscent & hepar versus deducunt.

§. V.

Impletio artificialis ostendit venas has esse arteriis fociis multo ampliores, ad minimum triplo capaciores, nisi causa accidentalis v. g. nimia alimentorum ingestio Ventriculum nimis distendendo, naturalem impletionem impediat; si impletio cera colorata penetrante & consistente ex voto successerit, tam densam extremorum congeriem in crusta villosa patefacit, ut continuum quasi tomentum coloratum existimares: in arteriis idem obtinet, verum exiliores, minus densæ conspiciuntur harum propagines.

§. VI.

Sequitur inde resorptionem fieri insignem, & forte aquosorum

rum assumtorum perparum pylorum transire : discimus inde, citissime causas sitis in interioribus ab aquosis assumtis tolli, corpus ab alimentis dilutioribus Eupeptis, Analepticis refici, medicamenta cardiaca, humida, blanda, celeriter per corpus diffundi, vel infusum croci id evincit. 2. In affectibus intestinorum, siccitate, acrimonia, doloribus colicis, a flatibus, inflammatione, fluidiora exhibita eo vix pervenire, sed scopo magis satisfacere, quæ ora Venarum resorbentium transeunt, ut Crem. Tart. Pulpa Tamarind. decocta frumentacea, glutinosa, terræ bolares, olea blanda, Lini, Amygdalarum; hæc ubi indicantur, dilutioribus longe præstant.

§. VII.

Contra jam asserta argumentum, quantum prævidere possum, objici posset sequens: nempe aquam, cui mercurius vivus incoctus, vermes in intestinis enecare, enectosque expellere; quod fieri non posset, nisi hæc aqua cui nullus sensibilis character, qui resorptionem in ventriculo impedire posset, impressus, effectum hunc in intestinis exerere non potuisset, nisi ad eorum cava & quidem per totum tractum ad anum usque, qui sedes vermium est, pervenisset. Respondeo experientia id quidem confirmari, ast scire oportet, id non contingere, nisi vermibus laborans per plures dies imo per hebdomadas quotidie talem aquam loco potus ordinarii cum Thea, Coffe adhibeat v. g. sumuntur 2 ℥ mercurii currentis, affunduntur 2 vel 3 ℥ aquæ, instituitur coctio spatio horæ, hac aqua consumpta, alia affunditur & sic usus continuatur: inde concludo aquam illam vi Antelmintica universum corpus penetrare, per arterias meseraicas, aliasque vias per systema venæ portæ in ductum hepaticum, inde, in cavum intestinorum deferri, sicque inhærenti vi ista in vermes agere. de actione resorbendi plura inferius §. 9. & 12.

§. VIII.

Demonstraturum me promisi in Procæmio, multorum mor-
B 2 borum

borum causas, in systemate venoso potius, quam in arterioso hærere, exceptis obstruentibus: ut ratio sufficiens asserti hujus rite intelligatur, quasdam positiones demonstrationi subservituras præmittere visum est.

1°. Capacitatem ramorum simul sumtorum ea trunci, ex quo orti, multo majorem esse; sic binæ subclaviæ cum jugularibus simul sumtæ majorem aream habent, quam cava superior; sic & rami in brachio longe majorem, ac truncus; rami venæ Azygos simul sumti, majorem continent, quam eorum truncus; sic binæ emulgentes venæ cavæ vix non æquales. vid. *Eustach. Tab. XIII.* in reliquis idem obtinet, nec scio dispar exemplum. Idem in arteriis verum, ast in venis hæc capacitatis differentia longe notabilior; inde sequitur motum humorum eo magis retardari in arteriis, quo longius receditur a principio, contra vero in venis eo magis accelerari, quo cordi sint propinquiore. Necessitas retardationis in arteriis sensim auctæ ex secretionem intelligitur, quæ in finibus fit, ubi debet esse æquabilis circulatio, vi pulsante non perturbata; inter causas vim pulsanter minuit motus retardatio, cui si addis elasticitatem tum arteriæ, tum humorum movendorum, ratio sufficiens æquabilis in visceribus circulationis data erit: ad nutritionem id non requiri videtur, quum hæc in corde, aorta, Diaphragmate, Pulmonibus, Musculis, primis viis, partibus quippe motu quam maxime exercitatis fiat; maxima profecto in corde agitatio & in decursu vitæ nunquam nisi in morbis quibusdam intercepta, attritus, substantiæ effluvium; restitutio igitur maxima tam in superficiebus internis vasorum, quam externa; alia igitur ratio explicatæ, auctæ in decursu vasorum capacitatis. De effluvio & nutritione venarum plura dicentur §. 10.

2°. Venas arteriis multo laxiores esse, adeoque magis extensiles, motum contentorum exercitio corporis promoveri, eo quiescente plurimum retardari; veritas hujus in vivente sæpe obvia, etenim post quietem 6 horarum venæ turgent, pulsus debilior, indicio maximam massæ circulantis partem in venis hærere, arterias magis ad axin esse contractas: hinc
per:

perspiratio sensim imminuitur, de vigilante mihi sermo: somnus omnia laxat. Ex quibus sequentia deduces.

α. Plethoræ sedem esse systema venarum, hæc vel in universo corpore, vel in singulari regione, v. g. intra cranium, in abdomine, pelvi. Constat mihi observatione in vergente ætate molem cerebri imminui, cavum calvariæ exacte non repleri, ubi sanguis tam in venis piæ matris, quam in sinubus dicta occasione congeritur, potest vasa distendere, comprimere, circulationi resistere, ut inde per arterias exhalantes intra ventriculos lymphæ expressa colligatur, inde Appoplexiæ seniles. Objici posset hanc cerebri imminutionem fieri post mortem. Sed cur illa non fieret in junioribus in quibus non reperitur? In abdomine & pelvi, plethoram obtinere in sexu sequiori palam est, idque ex magnitudine cavæ, Iliacarum & Hypogastricarum, quæ omnes in fœmina majores sunt ac in viris, colligi poterit.

Quodsi homo diutius vitam otiosam agat, sensim venæ magis magisque sanguine distenduntur, hinc oritur impletio nimia universalis in vasis majoribus, in minoribus defectus, & coalitus; in omnibus irritabilitatis defectus. confer §. 2. N^o. 10. & 12.

β. Humores in venis rarefcere, lentorem contrahere, hunc superficiebus internis adhærescere, febrium intermittentium causam, multorumque aliorum morborum fomitem subnasci, nonnisi motu febrili, aut arte producto, auferendum. Ex quibus abunde patet utilitas motus muscularis, agitationis in rheda, equo, frictionum &c. quibus cor, systema utrumque, tam arteriosum quam venosum stimulatur, irritabilitate sua in motus majores concitatur; sicque motus humorum promovetur, pulsus arteriarum adjacentium venis communicatur, stagnantia, inertia in iis agitantur, solvuntur, hæ licet tanta irritabilitate ac arteriæ non polleant, aliqua tamen gaudent: sic viribus compositis corpus a superfluis noxiis, nociturisque liberatur.

§. I X.

*De mutatione sanguinis in motu per venas versus cor
& de causis motricibus.*

Venæ in universo corpore, sanguinem ex arteriis, ex quibus continuantur, recipiunt, minimæ rubræ ex rubris, minimæ serosæ ex serosis, subtiliores ex subtilioribus, id quod experimenta instituta ultro probant; neque minus certum est, eas in quovis puncto ex superficiebus tam internis, quam externis humidum alluens resorbere; mercurius corpori affrictus, salivationem produciens; oleum Tereb. urinam odore imbuens; balneum aquæ dulcis calenti & sitibundo corpori applicatum illud ponderosius reddens, statera indice; clysmia aquosum injectum per vias urinæ redditum; aliaque, ut contagia, hujus fidem faciunt. Mutationes sanguinis in hoc ad cor recursum ex parte jam recensitæ sunt; aucta nempe celeritas, miscela, rarefcentia in minoribus; in truncis majoribus aliqua condensatio, quorum omnium incrementum & decrementum respondent causis motricibus, & variæ transfluentis densitati; caloris productio, conservatio inde pendent; verum attritus in venis longe minor ac in arteriis, gradus caloris nihilominus idem: circumpositis calentibus intermedia facile penetrabilia, ad eundem fere caloris gradum, quo illa gaudent, incallescunt, saltem nulla sensibilis differentia; arctissimus enim in toto decursu contactus aut vicinitas proxima, adeoque omnes mutationes a calore dependentes, æque in venis ac arteriis contingant, necesse est, ut & eadem, quæ in plerisque a systole & diastole sanguini inducuntur; venæ quidem non gaudent vi propria, verum ab arteriis circumjacentibus alterne, dilatatis, & contractis, alterne quoque comprimuntur, & distenduntur. Ubi venæ ab arteriis recedunt, in truncos majores pluresve abeunt, uti in artubus, præter allegata effecta macerationis vicem gerere videntur; quatenus circuitus insigniter retardatur, aërique externo magis expositæ sunt. Hæ artuum venæ, causis motricibus, quas in interiorio-

rioribus à circumpositis mutuatur, magnam partem destitutæ sunt, ast alias sibi proprias habent: quippe valvulas, motus musculares, validiores, crebriores, item actionem aëris elastici, cuti fibrosæ & elasticæ incumbentis, quibus fit, ut in iis contenta pro varia musculorum & aëris actione, plus minus moveantur, alias aliasque in decursu mutationes subeant.

§. X.

Præterea inest omnibus partibus singularis & inexplicabilis vis mutans: omnes ex communi fonte nutriuntur, licet inter se diversissimæ sint; non est materia ossifica determinata, sive qua talis in vitali humorum massa, nec carnifica, nec prolifica: sed hæ conditiones in ipsis partibus, per quas moventur, colliguntur, aut morantur, aut in detritorum locum cedunt, iis ab earum natura imprimuntur v. g. in naribus generatur mucus, in meatu auditorio cerumen, in cystide bilis, in testibus semen, in osse regeneratur os, in fibra fibra, & sic de ceteris; quin fibræ ipsæ musculares in variis partibus variæ indolis sunt, vel sapore indice, qui alius in substantia cordis, alius in musculis femoris, alius in thoracis musculis percipitur. In brutis id nemo negat, id certe non pendet ex diversa densitate, sed facultate occulta; venæ ex iis sanguinem a secretionem & nutritionem residuum reducant. An ex omnibus eundem natura sanguinem? profecto neutiquam; infinitæ diversis modis ipsi accidunt varietates, id tamen cum grano salis intelligendum velim: venæ non reducant ab osse ossificas, sed tamen aliquomodo mutatas. Taceo, quæ in decursu vitæ oriuntur. Hanc causarum complexum, quum quivis homo sibi proprium habeat, vel ex parte hereditarium, aut ex integro acquisitum, patet rationem Idiosyncrasie, sive temperamentorum præcipue in venis delitescere. Varia arteriarum effluvia esse docent canes odorisequi vestigia heri sui, locis, quæ transiit, impressa, nec exercitu militum transeuntium delebilia sequentes. Conf. *Element. Chemicæ* Cl. H. Boerhaave Tom. I. pag.

63. & 64. Id quod non modo in homine sed quoque in brutis obtinet: canis venaticus vestigia cervi offendens, hæc persequitur, licet gregi jam sociatus fuerit, distinguit, si venatoribus fides. Individuales hi characteres non ab arteriis ipsis imprimuntur, verum a vi sigillatoria partibus insita. Si gustes humores, in animali aliquot jam horis suffocato, non tactato, intra superficies post mortem collectos, alium deprehendes saporem in liquore Pericardii, alium in ventriculis cerebri &c. probabile est eos quoque odore differre, hancque differentiam ex natura loci pendere, nemo inficias ibit. Virtuti huic Metamorphosin inducenti venæ itidem expositæ sunt, hæc insuper alia & alia effluvia ex atmosphæra, cujus constantissima est mutabilitas, resorpta, vitalibus mixta, ad cor reducunt. Nonne ex his sequentia apparent.

1°. Hominem nec per duo momenta esse eundem.

2°. Constitutionem corporum mutatione loci mutari, certos morbos in certis regionibus esse incurabiles, mutato cœlo sæpissime curari.

3°. Indolem Endemiorum alios natales non habere.

4°. Nullum communicari contagium, nisi per venas resorbentes: id vero per arterias secernentes, excernentes, feliciter subinde expelli: inde ratio sudoriferorum, diureticorum, Purgantium in contagiosis, pestilentialibus, prout a natura ad hoc aut illud organon determinantur.

5°. Salubribus corporum effluviis, ut gratorum aromatum, virentium, florentium, aut asservatorum, homines debiles mire refici, ingratis, noxiis ut & robustissimos mire turbare in confesso est. Effluviis interiora penetrantium effectum magnus Hippocrates agnovit, vias igitur supposuit, per quas horum corporum translatio fiat; æque certas has statuit, ac chyli ex intestinis ad sanguinem, licet nec has nec illas determinare potuerit *sect. v. de sterilibus*, præmissis variis fortibus hæc subjungit: *Catulum recentissimum dissectum & exenteratum aromatis omne genus fragrantissimis & siccissimis contusis impleto, & quam maxime infarcito, subditis autem Lignis, catulo in vas imposito, vinum odoratissimum affundito & per fistulam fomentum*
ad-

adhibeto, & quantum per vices licebit per totam diem hoc fomento foveto, eam interrogando, num aromatum odor per os spirare videatur. Non enim exiguum est ei, quæ curatur, ad conceptum argumentum. Simile quid refert de allio L.C. allium caput unicum habens, capite depurgato & derafo in uterum subdito & postridie spectato, num odor ad os perveniat: quod si sic, concipiet; sin minus, minime.

Quædam interim omnia humana ratiocinia fugiunt. Forte tantum adplicata nervis extrinsecus reficiunt, aut interimunt, ut odor florum gratus, panis è forno calentis extracti, vini fragrantis, fructuum graviorum, suaveolentium, liquorum stillatitiorum vi aromatica pollentium, debiles mire reficit; fœtida in hysteriis spasmos solvunt: ratio certe sufficiens sub est, verum exponens desideratur, nec magis intelligibilis vis noxia interimens. Constat exemplis effluvia Croci, Moschi, Zibeti, deliquia induxisse: nil dicam de venenatis, tam vegetabilibus quam fossilibus, virtus noxia, deleteria tot tristibus exemplis confirmata, citius in actum deducta, quam per venas resorbentes interiora penetrare potuerit: singulari motui nervis in superficie patentibus impresso id adscribendum videtur. Quantam vim non exerit harmonia Musica in mentem, membranam tympani, exiguum illud, respectu universi corporis velamen, tactu afficiendo? lætatur, contristatur auditor, licet præter modificationem soni nihil intelligat.

Sic olfactus, Visus, Gustus, a suis objectis affecti, varios in corpore motus tam salutare quam noxios producant: hæc in genere dicta funto.

§. X I.

Magnæ insuper mutationes oriuntur in systemate Venæ Pulmonalis, item Venæ Portæ: si ullæ, certe hæc consule dignæ.

§. X I I.

Notum est ex anatome recentiorum, venam Portæ suis ra-
C di-

dicibus sanguinem à visceribus abdominalibus acceptum in hep-
par deferre, ex Liene mere arteriosum, vasculosa ejus fabrica &
motu alterno respirationis attenuatum, ex reliquis venosum,
secretiones passum, Lympha subtiliori inquilina destitutum, im-
primis ex Pancreate Lympham copiosam secernente & in duo-
denum excernente. Qui ex Ventriculo reducitur, vario tem-
pore varius, nunc dilutissimus, nunc spissior, prout plus vel
minus ex Ventriculo resorbetur: differt insuper pro ratione
ingestorum tum cibi, tum potus; ab aquosis ingestis, ut infusis
Theæ, Coffe maxime diluitur; serum lactis videtur quoque
maximam partem resorberi: sic subtiliores partes lactis ingesti,
item juscula carnis vix Ventriculi vires passa, nisi meraca & pin-
guia fuerint, per has vias cito ad sanguinem deferri, id quod
celeris refectio persuadet.

§. X I I I.

Altera differentia à motu Animali inducitur: in exercitatis
respiratio validior, frequentior; imprimis sub calore externo,
ut patet in fabris ferrariis Machinas majores, Anchoras, ve-
ctes ingentes cudentibus, ut apud Virgilium.

*Ferrum exercebant vasto Cyclopes in Antro,
Brontesque & steropesque & Nudus membra Pyracmon.*

Omnes radices venæ portæ alternis motibus nunc laxantur;
nunc comprimuntur: inde sanguis in iis contentus compingi-
tur, condensatur, uti in arteriis alterna systole & diastole,
cujus species hic obtinet, licet minus frequens, saltem major
undulatio fluxus & refluxus per Anastomoses: & quum Venæ
hæ cujusvis loci sint multo capaciores arteriis respondentibus,
motus fluidi contenti multo tardior, ita ut præter propter in
decurfu tot ictibus exponatur, quot expositum est in arteriis,
arteriæ quidem has vires habent cum venis communes, verum
ob velociorem contentorum transfluxum minus inde patiuntur.
In

In otiosis lente respirantibus sanguis in his radicibus vix multum attenuari videtur.

§. XIV.

Insignis insuper differentia sanguinis ex intestinis per has radices ad portam confluentis, uti ex eorum longitudine & fabrica diversa colligitur. Omnis intestinorum pars in contenta agit, ut Chylus perficiatur, in lactea fecernatur, omne alimentare extrahatur, recrementa propellantur. Quæ dum fiunt, Venæ resorbentes otiosæ non sunt, occasione data tenuissimum resorbent, & uti chylus in decursu differt, ita & resorpta: Lympha Pancreatis, & subtiliora, ex ventriculo deducta, ut & lympha intestinalis per arteriarum extrema indefinenter excreta, nec non lymphaticæ bilis partes ex hepate cum bile cystica adductæ sitientibus his osculis maxime in jejunio cedunt. Ex crassis vero, quæ motu intestino septico fuerunt soluta, in fluidum tenue conversa. Venas in iis copiosiores ostendit artificialis impletio, vasa lactea in iis pauca esse omni experimento in brutis instituto constat. Naturæ viribus Mechanicis in tenacioribus resolvendis, dividendis, putrefaciendi intentio, ex coli capacitate & situ satis colligitur. Si comparas Ileum cum cæco aut colo, quanta capacitatis differentia? Quanta inde celeritatis contentorum in motu retardatio? ex Ileo in Cæcum seu principium coli excreta aut potius expressa fere stagnant; contenta in hoc sacco eum distendunt, infarciunt, valvulam *Bauhini* elevant & sibi in Ileum regrediendi obstaculo sunt. Hinc ex Ileo in colon fæces non elabuntur, sed superata vi in illud aguntur: deinde fere perpendiculariter juxta hepar ad ventriculum tum ope respirationis, tum motu a tergo promoventur: inde inflexo colo versus Lienem, ubi altera ejus flexura facta, versus Ileum descendunt, sinuoso denique flexu facto in rectum deprimuntur. In principio, ubi putredo inducenda, resolutio per minima inchoanda, Colon capacissimum est, & adscensus perpendicularis inde maxima motus progressivi retardatio, & motus intestini incrementum.

Ne vero deficeret copia fluidi requisiti, quæ in putrescibilibus exigua requiritur, processus vermiformis id ex parte subministrat, non excernit singulare fermentum stercoreum, uti voluit *Helmontius*, sed modo fluidum requisitum ad promovendum motum intestinum, ad succum alimentarem ex tenacioribus resolutis extrahendum. In latere sinistro Colon est multo angustius, quod videtur necessarium, ne Acrimonia, aut asperitas inducta, aut flatus indefinenter motu intestino expediti tenellam coli fabricam læderent. Rectum autem intestinum colligendis sæcibus destinatum, alia gaudet fabrica, undeque liberior dilatabile; pingui enim immersum hæret.

§. X V.

Diversus igitur humor ex crassis resorptus ad portam & cavam fertur.

§. X V I.

Ufus radicum venæ portæ est, diversum jam descriptum sanguinem miscere; alternis motibus in naturam magis homogeneam convertere; ad secretionem bilis in ramis per universum hepar distributis peragendam aptiorem reddere. Quousque hæc actio viget, cæteris paribus, viget vita & sanitas: Hac labefactata, universum corpus labem contrahit, uti in otiosis, senibus &c. Prosequamur venam portæ & distributionem in ramos ad omne punctum hepatis, visuri quid inde boni malive redundet.

§. X V I I.

Distributio venæ portæ in ramos sequentem in modum sese habet: concursu omnium ramorum juxta portam seu binas eminentias fit truncus insignis: hic hepar ingressus speciem sinus oblongi constituit, ab hoc rami dimittuntur minores minoresque instar arteriæ, qui post varias anastomoses desinunt,
par-

partim in ramos minimos ductus hepatici, in quem lympham, bilem hepaticam dictam excernunt; partim in ramos venarum respondentium, in quos sanguinem a secretione residuum deferunt ad venam cavam deducendum. Ubi secretio fit, observantur granula, acini dicti, a *Malpighio* pro folliculis habiti. Rami igitur sunt conoidei, secretioni, separationi destinati, uti arteriarum, a quibus non differunt, nisi quod sint tenerioris substantiæ & vi pulsulante destituti, adeoque resistantiam movendorum in decursu, uti arteriæ augent. Ex illa resistantia, laxitate, & elateris carentia sequentia deducimus.

1°. Circuitum humorum in otiosis, meditabundis per hepar retardari, bilis secretionem minui, depravari, & mala, quæ inde pendent, facile oritura: de quibus mox.

2°. Si sanguis justo spissior sive diathesis inflammatoria à dissipatis fluidioribus, ut æstu aëris, exercitiis validioribus protractis, defectu potus aquosi, aut stimulantibus assumptis, aut alimentis pravi succi ingestis, sanguinem atrabilarium subnasci. conf. *Inst. Boerb.* §. 746, 766. & *Aph.* 1092. & seq. cujus causa etiam potest esse vita tristes, qua omnium vasorum systemata sensim contracta humoribus mutandis & movendis impari evadunt, spissitudo frigida inducitur. His positis oritur resistantia in angustis ramorum venæ portæ finibus, distenduntur rami, imprimis in iis, qui profundis speculationibus inhærent: inde respirationem, cujus frequentia & libertas ad promovendum sanguinem huic visceri adeo necessaria, retardant, suspendunt, & quasi suffocant. Hæc sanguinis congestio non modo in hepate subsistit, verum sensim sensimque per mesenterium in omnes ramos usque ad originem in visceribus communicatur: Lien inde tumet, glandulæ meseraicæ infarciuntur, ipsi trunci majores meseraici sanguine nigro turgent, ut in cadaveribus plus semel observavi, ad libras ibi, præcipue in Liene, colligitur, qui tractu temporis corruptionem contrahit, & in nigrum lequamen convertitur, subinde per ductum hepaticum in duodenum via facta transit alvo evacuandum, aut a venis hepaticis resorptum sanguini mixtum Cacochymiam atrabilariam inducit, tum aut attenuatum, dilutum, mobile

redditum per vias urinæ excernitur, aut in loca minus resistentia deponitur, aut subito necat.

3°. Morbos melancholicos, hypochondriacos sedem potissimum in systemate venæ portæ figere.

4°. Congestione humorum inertium ibi facta, acrimonia, corruptione congestorum nata, omnes functiones turbari, imprimis, quæ immediate ex systemate nervorum pendent: hinc varia deliriorum genera oriri, idque ob plexus abdominales.

5°. Scorbutum, Rheumatismum, scirrhus aliosve morbos chronicos a vitiata secretionem bilis, læsa chylopoësi, descriptæ congestioni natales debere: nil dicam de sterilitate in utroque sexu inde contracta.

6°. Tumente hepate, Liene, diaphragmatis contractionem ex parte impediri, illudque mole irritari, inde forte risus hypochondriacorum sine causa externa & mentis conscientia.

7°. Purgantia, sanguinem attenuantia, & ex parte in lympham tenuem, putridam convertentia in principio indicari, uti sunt, quæ ex Mercurio, Scammonio, Jalappa, Aloë conficiuntur, eaque aliis præferenda.

8°. Vomitoria tam in principio quam decursu esse suspecta ob metum rupturæ vasorum distentorum, præ maceratione à stagnantibus debiliū; convulsione enim musculorum abdominalium omnis violentia in viscera abdominalia determinatur, diaphragmate ob clausuram Glottidis in actu vomitionis cedere nescio.

9°. Remediorum lente attenuantium usum præmisso purgante, aut S. M. si plenitudinis indicia adsint, per menses continuatum optime cedere, qualia sunt gummi aromatica, leni sed blando stimulo irritantia, gumm. ammoniacum, galb. myrrh. opopan. sagapen. addito sale polychresto, saponem Veneret. ope Balsami Peruviani in formam Pillularum redacta, superbibendo post singulam convenientem dosin vacuo ventriculo aliquot uncias succi saponacei ex herbis viridibus expressi cum sero lactis: quo pertinent syrupi, extracta amara.

10°. Aquas medicatas fontium principio martiali imbutorum,

rum, ut sunt spadaneæ, vi roborandi præditas diluendo; simul roborando, vasis inertibus tonum restituendo, summæ in his efficaciam esse.

11°. Moderatum exercitium imprimis ad curationem facere, quo torpens sanguinis in systemate venoso motus optime & tutissime expeditur.

12°. Frictiones abdominis, dorsi, juxta tractum spinæ frequenter institutæ, maxime mane post tempus somni & vespere ad introitum lecti plurimum conferre. Alterna pressione & attritu promovent motum humorum in integumentis; motu interioribus communicato in musculis, peritoneo, mesenterio & intestinis, languentem excitant, in dorso instituta non modo sanguinis sed & liquidi nervei torporem excutunt. *Frictio potest solvere, ligare, carne implere, minuere, dura ligare, mollis solvere, multa minuere, moderata densare. Hipp. apud van Swieten pag. 33.* Stricturam abdominis e contrario a thorace rigido ex costis balenarum sexui sequiori familiarem modum, quo prodesse possit, nonnihil excedentem, summe noxiam esse.

13°. Ambulationes, vectiones in rheda, equo, nave, hypochondriacis saluberrimas esse. Quorum omnium efficacia stagnantia agitantur, solvuntur & in motum deducuntur.

14°. Quartana congestiones hypochondriacas & morbos inde oriundos, epilepsiam, podagram &c. teste Hippocrate potentissime curari, motum per vices sæpe repetitas augendo, subigendo, extenuando, solvendo, excernendo viscera chylopoëtica & hæmatopoëtica pristino vigori restituendo.

15°. Haud improbable esse, materiem in radicibus venæ portæ hærentem solutam, resistentia in hepate facta versus intestina urgeri (minor ibi resistentia) oscula secundum naturam fluida ex cavo intestinorum resorbentia dilatari per ea in cavum intestinorum fluidum contentum urgens ex reliquis visceribus huc delatum, excerni, & sic alvo evacuari; imo ex ipsa vena cava, per venam hæmorrhoidalem motu retrogrado in intestinum rectum infundi, teste H. F. ab Aqua pendente. Hac conjectura, cui nil videtur repugnare, admissa mul-

multa in his obscura, & de mensium hæmorrhoidumque fluxu utcumque clara redduntur. Hanc venarum anastomosin, five dilatationem osculorum resorbentium videtur supposuisse *F. Hoffmanni. Tom. 1. S. 2. cap. x. §. 2.* ubi scribit, usu clysmatum ex amaris & balsamicis confectorum morbos hypochondriacos desperatos sanatos fuisse. Existimandum non est, vim solventem ex amaris & balsamicis per venas ad interiora delatam, sanguinem congestum in motum produxisse, ei fluiditatem, blanditiem sufficientem conciliaisse, & sic morbum sustulisse. Amara vix venas resorbentes aut vasa lactea ingrediuntur, eorum efficacia maximam saltem partem in cavo primarum viarum terminatur. Verosimilius igitur videtur sanguinem atrabilarium aut alterius nocentis generis in vasis mesentericis congestum, mole urgentem per laxata a balsamicis applicatis oscula aut irritata ab amaris in cavum intestinorum sibi viam fecisse: viæ hæ notæ sunt, ut & fluidum secundum aut præter naturam transfluens! verum modi, qui inde variare, & ex notis concipi possunt, omnes noti non sunt.

§. XVIII.

De iis, quæ accidunt sanguini in systemate venæ pulmonalis.

Originem ejus ex sinu cordis sinistro, decursum, distributionem, capacitatem, qua, eam systematis arteriosi longe superat, vires aëris inspirati prementis ex Anatomicis & physiologicis paucis expediemus.

1°. Sinus sinister longe capacior dextro, auricula minor, ita ut cavum ex sinu sinistro & auricula sinistra factum capacitatem respondeat, illi ex sinu dextro & auricula dextra facto: innuit vero situs in cavo sinistro validiorem esse ab ambientibus agitationem; positum enim est inter arteriam pulmonalem, cor sinistrum & corpora vertebrarum, contra quæ validius alterna systole cordis sinistri & arteriæ pulmonalis agitur; ca-
vum

vum dextrum liberius positum ambientium vires minori efficacia experitur.

2°. Venæ ex sinu oriundæ simul sumptæ coefficienti majorem aream, ac vena cava superior & inferior simul sumptæ.

3°. Licet in pulmone non fiant secretiones permanentes, minorem nihilominus fluidi copiam cor sinistrum ex venis recipit, ac e corde dextro in arteriam pulmonalem pulsa. Evincit id exspiratio plus minus humida, prout circulatio plus minus viget, humores plus minus divisibiles, atmosphæra plus minus calida aut grauis existat. Si homo quinque octavas assumtorum perspirat, dimidium dispendii certe ex pulmone.

4°. Venæ quatuor ex sinu ortæ mox pulmoni immersæ commitantur ramos arteriæ pulmonalis bronchiorum ad vesiculas usque, donec post varias anastomoses continuentur in ramos arteriarum, ex quibus sanguinem accipiunt versus cor sinistrum promovendum; tenuiores patent in cava vesicularum aëriiferarum, ex quibus vaporem arteriis emissum ex parte resorbent: forte simul effluvia aquosa, aliaque subtilia aëri inhærentia resorpta sanguini contento miscent. Aërem ipsum videntur excludere seu repudiare. An atomi aëreæ osculis majores sint, an subsit vis singularis repellens? physicis determinandum relinquo.

5°. Ipsæ vesiculæ sub inspiratione distenta minuunt contactuum puncta, ea proportionem, qua ex collapsis fiunt globosæ, adeoque spatia cellularia inter globosas vesiculas fiunt majora, vasa in iis posita plus spatii nacta evadunt liberiora; proin transitus fluidi tam in arteriis, quam in venis contenti liberior: sed quum causæ propellentes in arteriis persistant, quippe vis contractilis, alterna systole cordis, quibus venæ non gaudent, retardatur eo tempore motus in venis, acceleratur in arteriis, contrarium in expiratione. Hæc si profundissima fuerit, totus fere sanguis agitur versus sinum sinistrum, arteriæ vix quid recipiunt, unde mors subitanea, uti exemplis constat: alii risu modum excedente, alii durius tractati ultimo exspirarunt. Summa inspiratio quoque tuta non est, hæc tamen periculo vacat, nisi nixu valido protracto vasa dis-

D

rupta

rupta causam mortis ponant. Sic in summo nixu partus venæ emulgentes disruptas videre mihi contigit in cadavere puerperæ duos magnæ molis infantes enixæ.

6°. Quoniam venæ per universum pulmonem arteriis sint longe capaciores & forte numero plures, majorem fluidi massam continent, quam systema arteriosum, adeoque proportionaliter motus progressivus in iis tardior, ipsumque fluidum diutius vi aëris alterni inspirati expositum. Accedit quod membranæ venarum sint teneriores, minus resistentes: inde effectus aëris in sanguinem contentum fiunt notabiliores, condensatur, miscela heterogeneorum in homogeneum promovetur, refrigerium inducitur, attritus in arteriis major calorem intendit, qui refrigerio in venis ad temperiem reducitur. Quæ omnia plus minus vigent, prout ipsa respiratio & calor Atmosphæræ calori naturali propior, aut ab eo remotior; languent in iis, qui profundis contemplationibus intenti, ipsam respirationem, cujus vigor ad sanitatem adeo necessarius, retardant. Quanto aër externus frigidior, tanto major vis arteriarum in sanguinem contentum, calorque intensior, tanto majus refrigerium accidit sanguini in systemate venæ pulmonalis, ita ut subinde intensissimo frigore in lethalem spissitudinem & immobilitatem deducatur, nisi homo per medium aliquod orinaribusque appositum, ut muccinium, parce aërem inspiceret.

7°. Ex quibus sequitur, sanguinem in venis pulmonalibus plus pati, quam in universo systemate venæ cavæ. Argumentum contrariæ sententiæ adferri posset sequens: vis pulsans arteriarum ramis venæ cavæ adjacentium major, magisque diffusa, ac in pulmone, ubi arteriarum systole ob spatium liberius, motumque celeriore, sanguinem venis contentum vix movet, nullatenus saltem sub expiratione. Respondeo hæc quidem vera esse, ast minime comparanda cum causis a nobis allegatis, & sufficientibus rationum momentis confirmatis. An igitur sanguini venoso in pulmonibus aër admisceatur, experimentis nondum constat? Effluvia vero subtiliora aëri inspirato inhærentia resorberi posse, ratio persuadet. An vero hæc efflu-

effluvia omni aëre præter partem constitutivam destituta sint, dubitare licet: neque ratio sufficiens negandi, quid æthereum membranas vasorum penetrando ipsi fluido in iis moto admisceri, motum intestinum communicari, quo color atro rubicundus, purpureus aut coccineus efficitur, ut patet in sanguine recens e vena secta misso, aëri exposito, tenuissima membrana tecto, colorem coccineum in superficie sub membrana contrahente; parte inferiori nigrescente, si invertis, eadem fiunt. Id non adscribendum gravitati specificæ, qua partes nigriores, ponderosiores secedere quibusdam visum est; sero enim innatant. Motui intestino calore atmosphære inducto attribuendum est, quod tractu temporis integra fere insula rubra in ferum flavum & pellucidum convertatur, & evanescat, quod eo citius fit, quo atmosphæra calidior, sanguis rarior, corpus origini propior. Aër sanguini ingenitus calore externo in actum deductus divortium molitur; quod dum fit, reliquæ elementa sui juris fiunt; sal volatile primum avolat, fœtore indice, oleum in volatile fœtidum convertitur. Nonne hæc est spontanea illa immutatio materiæ crudæ vi vitæ in actum deductæ? vid. *Inst. Cel. Boerb.* §. 929. ut evacuetur, transmigret, aut occidat.

§. X I X.

Dum igitur elementa sanguinis constitutiva nempe globuli rubri serosi &c. motu intestino calore excitato solvuntur, aër ingenitus, ut pars constitutiva, magis magisque expeditur, extricatur, evolat. Hinc patet, quid dicendum sit de experimentis duobus sibi oppositis apud *Archibaldum Pitcarnium* in dissertatione, de causis diversæ molis, qua fluit sanguis per pulmones. pag. 44. Primum est *Johannis Maiow* conantis ostendere sanguinem jam pridem emissum & aëre in Antlia Pneumatica Guerikiana orbatum non adeo se expandere, ac arteriosum recentem Antlia vexatum, nec proinde tantum aëris completi. Subjicit *Pitcarnius* hoc experimento nihil certo posse statui, nisi prius probatum fuerit, hanc propositionem esse fal-

sam: adeoque sequenti, quod proprie experimentum dici nequit, sed potius ratiocinium experimento destitutum. Conatur experimentum *Johannes Maiow* evertere, sed minus feliciter. Ejus assertum est hujus tenoris:

Expositis duabus ejusdem liquidi portionibus æqualibus & æquali aëris per minima permixti mole gaudentibus, major aëris portio elici potest ex portione liquoris per minima soluta quam ex non soluta eodem tempore, si eadem vis utrobique adhibeatur.

Utriusque suâ constare potest veritas, utrumque potest esse falsum, prout variæ circumstantiæ considerantur, quæ cum in utroque deficiant, nil certi concludendum. In experimento primo ope Antliæ sanguis plus intumescit, si ex corpore juvenili otiosæ vitæ adeoque sanguinem minus compactum habente,eductus examini subjicitur; minus, si ex robusto, exercitato. Itidem plus intumescit, si postquam homo per aliquot horas quieverit, ac si prægresso exercitio corporis validiori experimentum instituatur. In altero experimento plus intumescit, si per quietem extra corpus nondum nimis diu aëri calido expositus fuerit; nam tunc aër sui juris factus maximam partem avolavit, plus intumescit, si motus intestinalis recens in actum deductus sit, ubi aër adhuc inclusus in quibusdam corporibus morboſis sanguini inhæret. Vidi aliquoties in cadaveribus in Vena Cava, etiam tempore hyberno aëre glaciali existente; ut videatur post mortem extricatus non esse; nam in paucis cadaveribus hoc experire licet. Ast tempore æstivo semper plus minus aëris elastici in vasis offenditur. Necesse igitur non est cum *Richardo Lowero* statuere, aërem hunc sub respiratione in Pulmonibus sanguini communicatum, & caloris mutationem inde pendere. Demus observata ab eo esse vera in subiecto, in quo instituit: non sequitur inde ea omni casu, statu, & tempore constare, & si constent, ratiocinio ex iis deducto fidem recte denegat *Archibaldus Pitcarnius*, „ Observavit *Lowerus* sanguinem in arteriam Pulmonalem impelli „ atrum, ast ex vena pulmonis prodire floridum & rubicundum, deinde obturata trachea sanguinem ex arteria cervicali incisa fluere rursus atrum; denique mortuo jam Anima-


„ li sanguinem venæ cavæ adhuc fluidum, si per Cor & Pul-
 „ mones folle simul inflandos adigatur, æque rutilum è pul-
 „ monibus prorumpere, ac vivo prorumperet: Verum non
 „ probavit, quod probandum fuit, mutationem illam coloris
 „ non posse oriri ab alia re, quam aëris permistione, potest
 „ enim non obstante hac observatione pendere ab alterna
 „ compressione valorum pulmonis, & hinc nata partium flui-
 „ di transcurrentis solutione ab elastico & gravi aëre irruente,
 „ sed non permisto sanguini producta: & observatio *Loweri*
 „ æque probat hanc abfuisse pressionem, & illam admistio-
 „ nem, nemo quippe non facile agnoscet, tantum aëris illi
 „ parti sanguinis, quæ Vena secta prima prodit, imumque
 „ vas nigra tantum occupat, admistum fuisse, dum per aëra
 „ decedit, quantum sanguini in illo brevi per Pulmonem tra-
 „ jectu potest admisceri, ex adverso autem agitationem &
 „ solutionem partium sanguinis multo majorem esse intra Pul-
 „ monis vasa, quam in fundo vasis immoto. Denique ut
 „ observationem observationi opponam, „ Ostendant hujus sen-
 „ tentiæ fautores, qui fiat ut sanguis, qui dum mittitur, ru-
 „ ber satisque floridus conspicitur, paulo post, quantumvis aëri
 „ expositus, sæpe rubedinem amittat? & an non hæc observa-
 „ tio pressioni Pulmonum & cordis unice acceptum referat san-
 „ guinis istius rubedinem? sane hic non aër sed motus & so-
 „ lutio partium à corde & Pulmonibus impressa deficiunt. ”
 Hæc eadem cum *Pitcarnio* ad argumentum *Loweri* responde-
 rem, si observationem omni exceptione majorem admittere
 fas sit. Mihi saltem idem experimentum instituenti ita visum
 non est, deprehendi quidem quandam coloris differentiam, sed
 tantum abest, ut dicam sanguinem atrum in arteriam Pulmo-
 nalem impelli. Decipi hic observator potest varia radiorum
 luminis reflexione, prout adversus solem, vel averso lumine
 sanguinem intuetur, uti in pluribus tam fluidis quam firmis evi-
 dens v. g. tinctura Ligni Nephritidis, tabulis pictis: & si repe-
 tatur idem experimentum in variis animalibus, vario post Pa-
 stum tempore, eadem phænomena non observabuntur. Calor
 atmosphæræ, motus intestinalis, n.ora intercedens, aliaque plu-

rima accidentia fallax experimentum coëfficere solent, quorum omnium exacte ratio ineunda, ut observatis sua constet veritas, quibus neglectis fallacia non causæ, ut causa, committitur, & augetur numerus opinionum. Ipse *Borellus* & *Bohnius* tanti in Physicis auctores in eam incidisse à *Pitcarnio*, aliisque arguuntur, dum ex principiis certis evidentibus, constantibus remotis incertis, ratiocinia non subducunt, aut circumstantias non satis accurate attendunt. Memini me a Clarissimo *Albino* in prælectionibus de vi Musculorum, aut fibrarum muscularium agente audivisse, principia horum virorum, quatenus mathematice agunt, certa & indubitata esse, computumque inde productum erroris immune; ast dum Physice aut Mechanice ratiocinantur, eos ad modos non satis attendere: hinc tot falsas conclusiones passim reperiri.

§. X X.

Fateor plurima de venis aliarum partium, ea quæ maximi momenti, dicenda superesse, imprimis de uterinis, tempore fluxus menstrui tam instantis, quam in actu existentis, gestationis, puerperii, item de cutaneis, quorum omnium expositio plus otii requirit, quam mihi concessum: hinc iis intactis cursum dissertationis sisto

F I N I S.



COROLLARIA.

I.

Qui moderate corpus exercent, melius digerunt & perfectius nutriuntur, quam otiosi, & nimis laboriosi.

I I.

Meditationes profundiores plus nocent, quam labores validiores.

I I I.

Corpus laboribus fatigatum facilius reficitur, quam studiis intensis.

I V.

Plethoræ sedes potius sunt venæ, quam arteriæ.

V.

Excretiones sanguinis criticæ pro majori parte ex venis contingunt.

V I.

Datur aër in sanguine, qui tamen per Respirationem non communicatur.

ORNATISSIMO AC DOCTISSIMO
J U V E N I
D. FRANCISCO KLANKE,
C U M
MEDICINÆ DOCTORIS LAUREA
CONDECORARETUR.

KLANKI PARS ANIMÆ! similem mihi fœdere junctum
Haud dedit, aut unquam Russica Terra dabit.
Hoc mihi restabat, caro fugiente Sodali,
Luctibus ut querulis vita trahenda foret.
Quo Socio æstivos toties mihi condere Soles
Contigit, & Brumæ fallere sæpe moras.
Omnia jam mœrent, lugent, abeunte Sodali
Omnia, quæ LEIDÆ grata fuere, jacent.
Plura loqui volui: lacrymæ sed carmina delent,
Teque sequar lacrymis, Dulcis Amice, VALE.

PAULUS GYONGYOSSI

A PETTENY,

Nobilis Hungarus.

DOCTRINA, MORIBUS
ORNATISSIMO

JUVENI,
D. FRANCISCO KLANK,

Lauream Medicinæ adipiscenti.

KLANK tonat e cathedra, vastum sonus exit in orbem;
De vena voces uberiore fluunt.

Vitales rivos Microcosmi regna rigantes

Sistis, collato dignus honore labor.

Morborum latebras aperis, causasque revelas;

Quos sedem in venis figere, rite probas.

Posteritas monumenta legens mirabitur ista,

Cui nova rimandi nobile calcar erunt.

Gaudeo, Amice, mihi, Tibi gratulor. Omnia voto

Cedant! ægrorum millibus adfer opem.

*Integerrimi Amici sui prospero suc-
cessu exultans ita applaudit*

ALEXIUS PROTASOW,
PETRIBURGO-RUSSUS.

Ejusdem Musæ æmulus.

E

P R Æ S T A N T I S S I M O
D O M I N O
FRANCISCO KLANKE,
Amicorum integerrimo Doctorum ordini inserto

Gradus primus est via ad secundum & superiores.

Instrumenta operis gradus est cognoscere primus,
Alter motrices causas, atque ordine nexus.

Utriusque simul plures Tibi ferbuit annos

Indefessus amor, libros, effata Docentum

Non satis esse ratus, nec demonstrata; opus ipsum

Naturæ aggressus cultro, syringe, vitrisque,

Ut scires causas, atque instrumenta; quis ordo,

Quis subsit nexus, quænam inde effecta sequantur.

Artificem, quæ servo, manum, patiensque laboris

Ingenium ostendunt. Res ipsa est optimus index.

Ardua suscepit labor impiger, ardua vicit.

Hæc est vulgando victoria digna triumpho.

Perge immortales sic exercere labores;

Multorum ut vitam serves morbosque repellas.

Perpetuæ memoriæ & amicitiae ergo

AMICUS AMICO.